

**JAVNO KOMUNALNO PREDUZEĆE „VISOKO“ D.O.O. VISOKO
NASELJE LUKE II BR. 16 VISOKO**

Broj: 7061/23

Visoko, 10.10.2023. godine

Na osnovu člana 20a. stav 1. Zakona o radu FBiH ("Službene novine Federacije BiH", broj: 26/16, 89/18, 23/20,49/21,103/21 i 44/22), člana 4. Uredbe o postupku prijema u radni odnos u javnom sektoru u Zeničko-dobojskom kantonu („Službene novine Ze-do kantona“ broj: :08/19, 06/20 i 19/20), Pravilnika o postupku prijema u radni odnos u JKP „Visoko“ d.o.o. Visoko, broj: 5338 od 25.12.2020.godine, Odluke direktora o potrebi prijema u radni odnos na određeno vrijeme br;: 6895/23 od 04.10.2023.godine, Zaključka Nadzornog odbora preduzeća br: 01-XVI-27-09-VIII/23 od 06.10.2023.godine i Saglasnosti Gradonačelnika Grada Visoko br: 01/01-02-1521/23 od 09.10.2023.godine, direktor Javnog komunalnog preduzeća raspisuje:

**JAVNI OGLAS
za prijem radnika u radni odnos na određeno vrijeme**

Objavljuje se javni oglas za prijem radnika u JKP "Visoko" d.o.o. Visoko, u radni odnos na određeno vrijeme u trajanju od 12 (dvanaest) mjeseci, za obavljanje poslova i zadataka radnog mjesta:

1. Pomoćni radnik – Odjeljenje za izgradnju i održavanje vodovoda i kanalizacije.....**2 izvršioca,**
2. Pomoćni radnik za jednostavne poslove – Odjeljenje za poslove javne čistoće i održavanje puteva**4 izvršioca.**

Opis poslova i radnih zadataka za poziciju br.1: obavlja poslove pomoćnog radnika u Odjeljenju za izgradnju i održavanje vodovoda i kanalizacije, vrši ručno iskopavanje i zatrpavanje, vrši polaganje vodovodnih i kanalizacionih cijevi, obavlja poslove vezane za zemljane radove, obavlja fizičke poslove pri sanaciji puknuća, prema ukazanoj potrebi može se prerasporediti i na druge poslove iz domena svoje stručnosti, obavlja fizičke poslove potrebne za rad specijalnog vozila na kanalizaciji WOMA, obavlja i druge poslove koje mu odredi poslovođa Odjeljenja za izgradnju i održavanje vodovoda i kanalizacije. Pored općih uslova utvrđenih Zakonom, kandidat treba da ispunjava i posebne uslove utvrđene Pravilnikom o organizacija i sistematizaciji poslova i radnih zadataka preduzeća i to:

- a) NK ili osnovna škola

Uslovi rada: Rad na otvorenom prostoru. Rad u raznim vremenskim uslovima i svim godišnjim dobima.

Plata radnog mjesta: 630,00 KM

Radno vrijeme: od 7,00 do 15,30 sati.

Mjesto rada: Naselje Luke II br.16 Visoko.

Opis poslova i radnih zadataka za poziciju br.2 : obavlja poslove radnika na metenju, obavlja poslove pomoćnog radnika na pranju ulica u Odjeljenju pranja i metenja, vrši prikupljanje, vrši prikupljanje manjih otpadaka po zelenim površinamacesti i trotuare, obavlja poslove čišćenja u gradskom području, obavlja poslove održavanja čistoće na pijaci, obavlja poslove pomoćnog radnika u toku zimskog održavanja saobraćajnica, obavlja poslove čišćenja divljih deponija obavlja poslove pomoćnog radnika na cisterni radi i druge poslove po potrebi preduzeća iz okvira svoje osposobljenosti po nalogu šefa. Prema ukazanoj potrebi može se prerasporediti i na druge poslove iz domena svoje stručnosti, za svoj rad odgovara poslovođa odjeljenja za poslove javne čistoće i održavanje puteva.

Pored općih uslova utvrđenih Zakonom, kandidat treba da ispunjava i posebne uslove utvrđene Pravilnikom o organizaciji i sistematizaciji poslova i radnih zadataka preduzeća i to:

a) NK ili osnovna škola

Uslovi rada: Rad na terenu u raznim vremenskim uslovima i svim godišnjim dobima. Izložen je opasnosti od saobraćaja.

Plata radnog mjesta: 630,00 KM.

Radno vrijeme: od 7,00 do 15,30 sati.

Mjesto rada: Sarajevska br.6 Visoko.

II

Kao dokaz o ispunjavanju općih i posebnih uslova (za poziciju na koju se kandidat prijavljuje), kandidat je uz prijavu dužan dostaviti sljedeću dokumentaciju:

-Kraću biografiju, adresu i kontakt telefon, e- mail ;

-Potvrda o prebivalištu-CIPS (original ili ovjerena kopija ne starija od 3 mjeseca);

-Izvod iz matične knjige rođenih (original ili ovjerena kopija ne starija od 3 mjeseca);

-Uvjerenje o državljanstvu BiH (original ili ovjerena kopija ne starija od 3 mjeseca);

-Dokaz o stručnoj spremi, odnosno vrsti i stepenu školske spreme, (Original ili ovjerena kopija);

Kandidati su dužni na Prijavu za javni oglas navesti serijski broj lične karte, i naziv organa koji je izdao ličnu kartu, te će Komisija za izbor kandidata po raspisanom Javnom oglasu, u toku intervjua, izvršiti uvid u isto.

III

Nakon isteka roka za dostavljanje prijava, Komisija za izbor kandidata po raspisanom javnom oglasu razmotrit će prijave kandidata koje su dostavljene u propisanom roku, poštom ili lično u smislu ispunjavanja općih i posebnih uslova. Prijave kandidata koje budu nepotpune i neblagovremene, te prijave koje su kandidati pismeno povukli, kao i prijave uz koje su priložene neovjerene fotokopije dokumenata, neće biti razmatrane u daljem postupku i podnosilac prijave će biti o tome posebno obaviješten. Komisija za izbor kandidata dostavlja listu kandidata koji ispunjavaju uslove po objavljenom javnom oglasu direktoru preduzeća radi daljnjeg postupanja. Sa kandidatima koji budu ispunjavali uslove propisane javnim oglasom biće održan intervju.

Napomena: Samo izabrani kandidat će biti u obavezi da u roku od 15 dana od dana zaprimanja obavještenja o njegovom izboru kao najboljeg kandidata dostavi ljekarsko uvjerenje kao dokaz o zdravstvenoj sposobnosti za obavljanje poslova i zadataka radnog mjesta za koje se kandidovao, Uvjerenje o nevođenju krivičnog postupka kao i Uvjerenje o nekažnjavanju.

IV

Rok za podnošenje prijava kandidata je 8 (osam) dana, računajući od prvog narednog dana od dana objavljivanja javnog oglasa u dnevnom listu „Dnevni avaz“, a isti će biti objavljen i na internet stranici JKP „Visoko“ d.o.o. Visoko: www.jkpvisoko.ba, internet stranici osnivača Grada Visoko: www.visoko.gov.ba, a isti će se dostaviti i JU Služba za zapošljavanje Zeničko-dobojskog kantona.

V

Prijavu na javni oglas i traženu dokumentaciju u zatvorenoj koverti (navesti broj pozicije) , kandidati su dužni da dostave lično ili putem pošte na adresu:

„Javno komunalno preduzeće „Visoko“ d.o.o. Visoko

Ul. Naselje Luke II br:16

71300 VISOKO

„Komisija za izbor kandidata po raspisanom javnom oglasu sa naznakom „Prijava na javni oglas (navesti poziciju na koju se prijavjuje) - NE OTVARATI“.

Za sve dodatne informacije možete kontaktirati na broj telefona: 032/738-600.

VI

Javno komunalno preduzeće „Visoko“ d.o.o. Visoko neće kandidatima vraćati dokumentaciju dostavljenu uz prijavu, osim kandidatima koji su istu dostavili u originalu i na pismeni zahtjev.

Direktor

Almir Hadžialić, dipl.ing.građ.